


向來論治白喉從未有如此書之透澈者

大君子如肯重爲刊印分布城鄉家喻戶曉俾

免誤於醫藥全活必多功德無量

白喉治法忌表抉微

壽民敬題



洞主儼師
白喉治瘡
忌食辛辣
紋治瘡

耐修敬署



仁人君子
翻刻流傳
功德浩大

洞主仙師白喉治法忌表抉微

耐修子敬錄并序跋加注

余素未習醫。咽喉一症。尤屬茫然。今年正月。余三兒自至戚汪大令處染患白喉。延同鄉某甲醫診治。據曰。此喉痺也。切不可破。破則不治。方用牛勞。桔梗。殭蠶。杏仁。荊芥。防風等藥。一劑而汗出。然鼻塞矣。再劑而熱退。然音啞矣。又延診之。則曰。邪退其半矣。以前方略加增減。一劑而白塊自落矣。再劑而鼻流鮮血矣。又延診之。則曰。邪皆外出矣。又以原方去荊防杏仁。加射干黃芩。一劑而喉外暴腫。再劑而喉內全爛。且頑痰上壅。骨節漲滿。神志煩悶。睡寤恍惚。始知藥誤。急改延某乙醫來視。曰。誤服表藥。受患

過深。不可救矣。姑以龍虎二仙湯灌之。卒無效。未幾而汪之女及婢相繼患此。鑒於甲醫之失。不敢服藥。令老嫗挖去白塊。出涎血升許。尋愈。幾不解其何理。嗣於友人處。假得鄭梅澗先生重樓玉鑰一書。閱之。乃知白喉一症。只可滋陰。不可發表。甲醫所用之藥。全在禁忌之列。而鼻塞音啞。與白塊白落鼻孔流紅。皆爲誤表不治之症。惟不可破一語。則與甲醫相合。更無解於汪氏女婢之因破而愈也。方思摘其大要。刊布流傳。免世滋誤。乃未一月而汪君亦病此。仍不敢延甲醫。亦倩老嫗搗破。而病不減。另延某丙醫診治。其所用藥。與重樓玉鑰中所載養陰清肺一方大同。

余外甥女適
金氏者由汪
處弔奠歸卽
染此症亦爲
甲醫以表散
藥致斃

小異固未大效。又復倍用生地。惟尙不免有一二禁藥。攪入服。更不效。病家以爲生地之誤。又另延一僉醫者。全用表散。連劑並進。而種種敗象。一時俱見。知爲內陷。仍歸咎於養陰。亦改延乙醫觀之。並未出前方相示。乙醫以爲症由風邪。失未表散。亦投蠶蟬勞勃等藥。竟不救。余時亦未見僉醫之方。近始索觀而知。當日但謂病有兩岐。藥難一致。前所欲摘要刊布者。至此遂不敢下筆矣。又一月而余妾亦病。始則骨節疼痛。渾身發熱。喉間乾痛。而無白點。乃立意延乙醫診視。以其向治喉症。類能分別透澈。必可辨悉病源。及診脈象。云是浮緊。恐係風邪。略應表散。然一劑而音啞。再

劑而氣逆似覺不合。適有某丁醫過訪。請其覆按。瞿然曰。此白纏喉也。如何。可表速服。養陰清肺湯。方可補救。時熱尙未退。探視喉間。微有白象。余以乙丁之言迥然相反。茫無率從。乃齋沐設壇。敬請

洞主仙師判斷。所語悉如丁言。並示白喉斷無發表之論。命於養陰清肺湯中。加蠶食過桑葉孔多者三片。青麟丸五分爲引。一劑之後。卽照原方。不必加引。至愈而止。當卽遵服。次日卽大解一次。色赤黃。並發斑疹。遍體皆是。

此種斑疹乃白喉症所恒有。係服藥見功。浮邪外出。乃是吉象。切勿誤認尋常斑疹。不敢滋陰。改服表散。以至大誤。

此時熱已全退。而喉間白塊遍

滿矣。

余恪遵

仙諭。始終守方五日而瘳。長次兩兒次第傳染。審其情狀。症亦相同。深信不疑。卽以養陰清肺湯投服。或便粘痰。或發斑疹。服三劑而熱清。喉間均稍露白。點不移時而退盡。竟未大發。乃堅信養陰忌表四字爲治白喉者歷劫不磨之論。乙醫爲余年交長。虛心而善悟。見此不覺五體投地。爰復迭次虔請。遂層質疑得。

嗣是一月以來凡親友患此症者聞信卽以養陰方相告。皆二三劑卽瘳。已活數人矣。

頒箴論並命作表。以喚迷津。前後共三千餘言。一片婆心。流溢行間字裏。自此濟人有術。所活奚止恆河沙數哉。

仙師廟在奉天。前於戊子歲在奉降壇勸賑。凡助賑求方者。莫下藥到病除。神妙不可思議。偶立方論。洞澈源流。決非凡手所能夢見。此論一出。岐黃家當可奉爲金科玉律。不致再入歧途。爰敬錄之。並將張善吾所著捷要書中語之相合者。分注於下。刊印行世焉。

洞主仙師前論 答耐修問

白喉古無此症。故少專書。世稱難治。然非難也。未明其理耳。人但知肺之灼而不知由於胃之蒸。人卽知胃之熱而不知由於腸之寒。腸寒則下焦凝滯。胃氣不能下行而上灼於肺咽喉。一綫之地。上當其衝。終日蒸騰。無有休息。不急治。

天氣亢旱非
大雨不能回
潤若煽以風
其燥更甚天
人一理可以
互推

之與治之不當則腫且潰潰且閉矣

提要云白喉初起惡寒發熱頭痛背脹遍身骨節疼痛喉內或極痛或微痛或不痛而喉內微硬有隨發而白隨見

者有至二三日而白始見者

或由白點白條白塊甚至滿喉皆白者所治皆同

治之之法惟有以厚重之藥鎮其上層如以巨

甄蓋鼎使燄不上騰復以清涼之藥潤其次層如以濕綿禦礮使火不內射極盛者再掃除其中宮以抽柴薪開通其下道以漏炸炭醫者之能事畢矣夫自上至中至下本有可通之路而必開其旁門反使四塞左矣邪毒之內蘊火也實煙也尋常表邪輕煙而已此則如蠻雲毒霧蓊蓊鬱鬱一經表散僅能紛竄於經絡之中而不能透出於皮毛之外愈入愈深有入無出迨自知其誤翻然改計不先追其藥毒而徒盡其當然無益也解表藥之毒春用蠶食過桑葉孔

多者三片。夏用荷花蒂連鬚者七個。秋用葶薺苗稍黃者九枝。各寸許。冬用生青果核磨汁或打碎五枚。不必拘定四時。但有現成鮮者可用。卽用之。加入養陰清肺湯中爲引。一劑後照全方服。不加引。

捷要云。如有辨症未清。誤服升提開散辛溫之劑。視病之輕重。以生綠豆碾細末。重者一茶碗。

輕者一酒杯。冷水調服。另煮大米粥一碗。先服粥。後服藥。則誤服之劑。卽能解除矣等語。如以上四引不現成。卽用此法。亦效。

此症起時發熱者多。症之輕者。

脈不甚洪實。初不見白。醫者不察。往往誤爲風邪。用表藥而熱退。方謂有效也。

及白點既見而病已增重大半矣。

捷要云。白喉初起。惡寒發熱。乃毒氣初作於內。至二三日喉內見白。寒熱自除。或者不悟。以爲表藥有功。而不知不

服表藥。其熱亦自退也。

至改服養陰。二劑而不見速效。又復反覆改圖。一誤再誤。病其有不

殆者乎。故認症既的。尤以守方爲第一義也。

捷要云。如有內熱。及發熱。照方服去。其熱自除。卽白有加。仍勿改藥。蓋內病不除。白何能

凡病爲藥誤
另延醫治如
後醫有識必
以正道補救
救之而效則
前醫猶引爲
功救而不效
則反被前醫
歸咎或前醫
未誤誤於後
醫則後醫更
不任過熟得
熟失往往混
淆可歎也
余初亦疑爲
滋陰所誤及

淨。愈發白。愈守方。久久服之。自有效驗。切勿求速而表散。吾謂風邪之症。亦宜清解。亦不宜於表散。表之過當。不外

出而內竄。勢易易也。且立意不用表藥。則中下之醫。不能辨症於初起者。亦不致大誤而殺人。玉鑰書中忌用諸藥。出於名醫手定。人嫌其選擇之過泥。吾猶謂其徵引之未全。細辛升麻桂枝蘇葉之不可用。固不待言。卽殭蠶蟬退馬勃等品。治喉家所奉爲至寶者。皆殺人之具也。各宜守之。如厲禁視之。如酖毒庶不誤矣。查汪某之病。亦是白喉。藥不誤於前。此之滋陰。而誤於後來之表散。況黃芩一味。涼入細竅。猶投炭於瓶。而嚴塞其口。火雖滅而煙留。再以厚重之藥並用而鎖之。愈塞愈緊。非特不能交濟其功。抑且相助爲虐。其毒至死而

讀仙論同

處索方閱汪之果有槍醫表散二文在丙之後乙之前且黃苓亦槍所命投也

不能出者。職是故也。至其女與婢之病。亦均纏喉。惟係輕者。童體氣盛。故以挖破而效。然非通法。不可爲訓。若以治弱人。則頃刻而靡矣。汪某之病。胡獨不誤於此耶。三郎所遇之醫。學淺性泥。更不足道。當其來診之初。白塊已遍滿。但稍經涉獵者。即可辨認。況行道有年。而猶妄用表散。一再不已。是何故也。至三日而毒竄已深。雖有神仙。亦不能救。甚矣牛蒡射干等藥之爲禍烈也。耐修經此數端。聞吾之言。大旨當可明曉。其擇近時喉症書之近穩者。細觀各方中之用藥。刪其應忌之品。不可容留一孽。以可用者。分爲正將。猛將。次將。三表。每表分作四層。上層爲鎮藥。如龍膽草。石膏。生地。元參之類。次層爲潤藥。如瓜蒌。

貝母。丹皮。天冬之類。又次層爲消藥。如厚樸。神麴。枳壳。麥芽之類。下層爲導藥。如大黃。元明粉。車前。澤瀉之類。約藥四五十種。按症輕重。分別施治。亦已足矣。其中消導之藥。非熱極便結。不可輕用。但能鎮潤得宜。則中下自會通暢。不可不知。表後列忌用諸藥。添入前人漏列者七八種。注明害處。俾盡人一目瞭然。胸有成竹。設遇醫者開方。觀其所用之藥。如有不列於藥隊者。以及妄用禁藥者。或病輕而遽用猛將者。皆不可服。更以服禁藥後所現不治症象。臚列於後。庶可觸目驚心也。彙成見質於吾。尙有要言。

遵定藥將三表

係乙醫
某君審正

三將之中。以正將爲定法。而以猛將馭其重。次將馭其輕。四層之中。又以鎮潤爲定法。而以消藥去其滯。導藥利其行。鎮潤之中。又以養陰清肺湯爲定法。而以他藥濟病之偏。頗輔方之不足。審定主賓。因症施治。若綱在綱。有條不紊。至於禁忌之藥。萬不可以一試。即偶雜一二於良藥之中。猶致全羹俱壞。况專恃之以爲定法乎。其不現種種敗象。而逼悶以斃者鮮矣。法戒具備。行道者其詳而審焉。

白喉正將

此係大中正之藥。極穩極效。惟中下層藥。非熱甚之症。大便閉結者。尚須慎用。

上層鎮藥

大生地

元參

煨石膏

麥冬

次層潤藥

天冬

當歸

白芍

丹皮

貝母

薄荷

生甘草

中層消藥

大木通

神麴

焦查肉

陳皮

砂仁

下層導藥

郁李仁

知母

生土牛膝兜

澤瀉

青寧丸

養陰清肺湯

日服二劑重者日服三劑若病勢無增即白
加甚仍照方服始終守定不可移易

大生地 壹兩

麥冬 陸錢
去心

白芍 肆錢
炒

薄荷 貳錢
五分

元參 捌錢

丹皮 肆錢

貝母 肆錢
去心

生甘草 貳錢

此方乃治白喉之聖藥。翼然八柱。顛撲不破。其中但有鎮潤而無消導。蓋所謂
鎮潤得宜。下元自會通暢。無所用其消導也。分兩悉照原方。不可輕重。小兒減
半。守方服去自然全愈。切勿中改。

如喉間腫甚者加煨石膏肆錢。○大便燥結。數日不通者加青甯丸貳錢。元明粉貳錢。○胸下漲悶者。加神
麴貳錢。焦查貳錢。小便短赤者。加大木通壹錢。澤瀉貳錢。知母貳錢。○燥渴者。加天冬三錢。馬兜鈴三
錢。○面赤身熱或舌苔黃色者。加銀花肆錢。連翹貳錢。